

ხელშეკრულება
სახელმწიფო შესყიდვების შესახებ №52/1712
CPV 55300000

30.მაისი.2017 წ.

ქ. თბილისი

ჩვენ, ქვემოთ ხელის მომწერნი, ერთის მხრივ, სსიპ თავდაცვის ინსტიტუციური აღმშენებლობის სკოლა (შემდგომში - შემსყიდველი ორგანიზაცია), წარმოდგენილი დირექტორის მოვალეობის შემსრულებლის თეა ნიკოლაშვილის სახით და მეორეს მხრივ, შპს „თქვენი სავანე“ (შემდგომში - „მიმწოდებელი“) წარმოდგენილი დირექტორის თამარ ჩინჩალაძეს სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

I. ხელშეკრულების საგანი და მოქმედების ვადა

- 1.1 შესყიდვის ობიექტს წარმოადგენს სსიპ თავდაცვის ინსტიტუციური აღმშენებლობის სკოლის მიერ ორნიზიებული ღონისძიებების ფარგლებში კვებით გასაწევი მომსახურება, ხელშეკრულებით განსაზღვრული პირობების შესაბამისად.
- 1.2 ხელშეკრულების საგანია მომსახურების (შემდგომში - შესყიდვის ობიექტი) შესყიდვა, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ვ“ ქვეპუნქტის შესაბამისად (წარმომადგენლობითი ხარჯი).
- 1.3 ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2017 წლის 15 ივლისის ჩათვლით.

II. შესყიდვის ობიექტის ღირებულება

- 2.1. შესყიდვის ობიექტის ღირებულება შეადგენს 1142.50 (ერთი ათას ას ორმოცდაორი ლარი და 50 თეთრი) ლარს, მიწოდებასთან დაკავშირებული ყველა ხარჯისა (ხელშეკრულების მე-3 მუხლით განსაზღვრული პირობების თანახმად) და საქართველოს მოქმედი კანონმდებლობით დადგენილი გადასახადების ჩათვლით.

III. შესყიდვის ობიექტის მიწოდების პირობები, ვადები და ადგილი

IV.

- 3.1. მიმწოდებელი უზრუნველყოფს, 25 პერსონაზე, 2017 წლის 30-31 მაისსა და 01 ივნისს, 09:30-09:45 სთ. ყავით შესვენებით და 13:00-14:00 საათზე ლანჩით გასაწევ მომსახურებას შემსყიდველი ორგანიზაციის შენობაში, შემდეგ მისამართზე :

ქ. თბილისი, ჭონქაძეს 20, მე-2 სართული.

- მომსახურების მოწოდება ასევე მოიცავს შესაბამისი რაოდენობის დამხმარე პროდუქტებს, (მაგალითად: შაქარი, მარილი, ლიმონი, რძე და სხვა);
- საკვების მიწოდებისა და საკვების მოხმარების შემდეგ, უნდა დალაგდეს მიწოდების ადგილი და გატანილი უნდა იქნეს ნარჩენები;
- საკვების მიწოდებასთან ერთად მიმწოდებელი ვალდებულია შემსყიდველი ორგანიზაცია უზრუნველყოს ყველა საჭირო ინვენტარით (მაგ. ჭურჭელი, მაგიდა, ხელსახოცი, გადასაფარებელი, ჩანგალი, კოვზი, ხელსაწმენდი და ა.შ.);
- ინვენტარი უნდა იყოს ერთნაირი, ერთი ფერის (თეთრი ან მიახლოებული), დაუზიანებელი და საუკეთესო სანიტარულ მდომარეობაში.
- მომსახურების გაწევა უნდა განხორციელდეს მიმწოდებლის რესურსებით (მომსახურე პერსონალი, ტრანსპორტირება, შესაბამის სართულზე ატანა/ჩამოტანა, ნარჩენების გატანა და ა.შ.);
- მომსახურე პერსონალი უნდა იყოს მიმტანებად მუშაობის გამოცდილებით, შესაბამისი უნიფორმით და ვიზუალურად მოწესრიგებული, სამუშაო მდგომარეობისათვის შესაბამისი, მათ

საჯარო სამართლის ბურიდიული პირი - თავდაცვის ინსტიტუციური აღმშენებლობის სკოლა

ასევე დროულად უნდა მოახდინონ ნარჩენებისა და გამოყენებული ჭურჭელის ალაგება, რაიმე სახის დაზიანების აღმოფხვრა, მაგიდის გადაწმენდა და განახლება.

- საკვები და ჭურჭელი მოწოდებული უნდა იქნეს კონტეინერებით ან ამ სფეროში მიღებული სხვა სახის ჭურჭლით;
- პროდუქტი უნდა იყოს ახალი მომზადებული, ლამაზად პრეზენტირებული, შესაბამისი საკვებ-საგემოვნო თვისებებით და ტემპერატურითა და შეესაბამებოდეს ჰიგიენისა და ვარგისიანობის სტანდარტებს;

V. შესყიდვის ობიექტის მიღება-ჩაბარების წესი

- 4.1. შესყიდვის ობიექტი ჩაითვლება მიღებულად შესყიდვის ობიექტის ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.

VI. ანგარიშსწორების ფორმა, ვადა და ადგილი

- 5.1. მიმწოდებელთან ანგარიშსწორება განხორციელდება ეროვნულ ვალუტაში, „საქართველოს 2017 წლის სახელმწიფო ბიუჯეტის შესახებ“ საქართველოს კანონით გათვალისწინებული ასიგნებების ფარგლებში.
- 5.2. მიმწოდებელს შესყიდვის ობიექტი აუნაზღაურდება უნაღდო ანგარიშსწორებით, მომსახურების გაწევის შემდეგ საგადასახადო ანგარიშ-ფაქტურის წარმოდგენის და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

VII. მხარეთა უფლება-მოვალეობანი

- 6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2. შემსყიდველი ორგანიზაცია ვალდებულია:
- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.
- 6.3. შემსყიდველ ორგანიზაციას უფლება აქვს:
- განახორციელოს კონტროლი მიმწოდებლის მიერ ხელშეკრულებით ნაკისრი ვალდებულებების შესრულებაზე;
- მოსთხოვოს მიმწოდებელს მიწოდებული შესყიდვის ობიექტის კონტროლის შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.
- 6.4. მიმწოდებელი ვალდებულია:
- მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
- დაიცვას ხელშეკრულებით გათვალისწინებული ყველა პირობა.
- 6.5. მიმწოდებელს უფლება აქვს:
- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VIII. ხელშეკრულების პირობების შესრულების კონტროლი

- 7.1. ხელშეკრულების პირობების შესრულებაზე კონტროლს განახორციელებს შემსყიდველი ორგანიზაციის უფლებამოსილი თანამშრომელი, ლოგისტიკისა და შესყიდვების მენეჯერი მიხეილ თოფურია.

IX. მხარეთა პასუხისმგებლობა ხელშეკრულების პირობების დარღვევისას

საჯარო სამართლის იურიდიული პირი - თავდაცვის ინსტიტუციური აღმშენებლობის სკოლა



- 9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მოქმედი კანონმდებლობის შესაბამისად.
- 9.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე მხარე უფლებამოსილია წერილობითი ფორმით მას დაუწესოს დამატებით ვადა ხელშეკრულებით გათვალისწინებული პირობების შესრულებისთვის.
- 9.3. ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.
- 9.4. ხელშეკრულების მხარეს, მის მიერ შესყიდვის ობიექტთან დაკავშირებული ვალდებულების შესრულების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე შესყიდვის ობიექტის საერთო ღირებულების 0.02 (ნოლი მთელი ორი მეასედი) პროცენტის ოდენობით.
- 9.5. თუ ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულების 5 (ხუთი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

X. ფორს-მაჟორული სიტუაციები

- 10.1. მხარეები პასუხისმგებელი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, ხელისშემშლელ გარემოებათა აღმოფხვრის შემდეგ.
- 10.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

XI. ხელშეკრულების პირობების გადახინჯვა

- 11.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს შესყიდვის ობიექტის ღირებულების 10%-ისა.
- 11.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XII. დავა და მისი გადაწყვეტის წესი

- 12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.
- 12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

XIII. სხვა პირობები

საჯარო სამართლის იურიდიული პირი - თავდაცვის ინსტიტუციური აღმშენებლობის სკოლა

